

# Snydt (Finanssektor Blues)

G/C, 5.14

Gendigtning af *Rainy Day Woman #12 & 35* (Bob Dylan, 1966).

En blues om, at livet er andet end forbitrelse over urimelige bonusser til bosserne i finanssektoren – om værdien af at have en fælles fjende. Men, efter 10 år med *den* regering, vel også lidt om resignation?

Tekst: Poul E. Nielsen.

Musik: Backing Trackers + Poul E. Nielsen på vokal og mundharpe.

Solo

De'l snyj' dæ' når do prøwwer po å vær' guer  
De'l snyj' dæ' når do prøwwer po å vær' stuer  
De'l snyj' dæ' så do gor fra hus å hjem  
De'l snyj' dæ' så det drywwer - rigtig slem  
Men pyt - a føler mæ' no slet æ så forknyt  
For vi blywwer jo alle sammen snydt!

Solo

De'l snyj' dæ' når do goer hen å æ gåå'  
De'l snyj' dæ' sjal om do prøwwer po å ram' måå'  
De'l snyj' dæ' så do lejjer hen å æ gwol'  
De'l snyj' dæ' når do prøwwer å snyj' i æ told  
Men pyt - a føler mæ' no slet æ så forknyt  
For vi blywwer jo alle sammen snydt!

Solo

De'l snyj' dæ' når do spiser de dowwer  
De'l snyj' dæ' når do stadig legger å sover  
De'l snyj' dæ' å så vil de blæs' dæ en støk'  
De'l snyj' dæ' å så vil de sej': "held å løk"  
Men pyt - a føler mæ' no slet æ så forknyt  
For vi blywwer jo alle sammen snydt!

Solo

De'l snyj' dæ' å sej', at no er æ altså slut  
De'l snyj' dæ' bare do prøwwer å slå en bette prut  
De'l snyj' dæ' når do kører rundt i di' Skoda  
De'l snyj' dæ' mens do legger o di' sofa  
Men pyt - a føler mæ' no slet æ så forknyt  
For vi blywwer jo alle sammen snydt!

Solo

De'l snyj' dæ' når do gor ugge for å skij'  
De'l snyj' dæ' når do prøwwer po å go' lij'  
De'l snyj' dæ' lisså snår do sejjer godaw  
Å de snyjjer dæ', når de putter dæ i di' grav  
Men pyt - a føler mæ' no slet æ så forknyt  
For vi blywwer jo alle sammen snydt!

Solo